

Grwp yr Economi, Sgiliau a Chyfoeth Naturiol
Economy, Skills and Natural Resources Group

Dirprwy Ysgrifennydd Parhaol • Deputy Permanent Secretary



Llywodraeth Cymru
Welsh Government

Nick Ramsay AC
Cadeirydd, Y Pwyllgor Cyfrifon
Cyhoeddus
Cynulliad Cenedlaethol Cymru

SeneddPAC@Assembly.Wales

23 Mehefin 2017

Annwyl Mr Ramsay

Diolch ichi am eich llythyr dyddiedig 21 Mehefin a'ch cais imi ailystyried fy mhenderfyniad o ran y rhai a fydd yn mynychu cyfarfod y Pwyllgor Cyfrifon Cyhoeddus ar 26 Mehefin.

Rwy'n llwyr sylweddoli fod gan y Pwyllgor deimladau cryf iawn ar y mater ac rwyf wedi pwysu a mesur cynnwys eich llythyr yn ofalus.

Fel y Swyddog Cyfrifyddu Ychwanegol ar gyfer yr agwedd hon ar wariant Llywodraeth Cymru, fy nyletswydd yw sicrhau bod y Pwyllgor Cyfrifon Cyhoeddus yn cael pob cymorth gan Lywodraeth Cymru ac yn cael yr wybodaeth a'r dystiolaeth briodol i'w helpu i ystyried y mater dan sylw. Serch hynny, fel Dirprwy Ysgrifennydd Parhaol, mae hefyd yn ddyletswydd arnaf sicrhau bod y Prif Weinidog a'r Cabinet yn cael cymaint o gefnogaeth â phosibl wrth iddynt baratoi ar gyfer gwneud y penderfyniad pwysig hwn.

O dan yr amgylchiadau, felly, rwy'n ei gweld yn bwysig i Mick McGuire a Chris Munday roi eu sylw yn llawn ddydd Llun i wneud y paratodau terfynol ar gyfer trafodaeth y Cabinet, sydd i ddigwydd trannoeth eich cyfarfod. Teimlaf mai'r ffordd orau imi roi i'r Pwyllgor y dystiolaeth y mae yn gwbl deg wedi gwneud cais amdani yw trwy sicrhau fy mod i ar gael fy hunan i fynychu'r cyfarfod, a chan ddod â Mrs Tracey Mayes gyda mi i'r cyfarfod, gan fod ganddi ddealltwriaeth fanwl o'r amgylchiadau sy'n destun adroddiad Swyddfa Archwilio Cymru. Fy ngobaith wrth wneud hyn yw y gallaf gyflawni fy nwy swyddogaeth o dan yr amgylchiadau hyn.

Rwyf wedi trafod cynnwys y llythyr hwn gyda'r Ysgrifennydd Parhaol.

Yn gywir

James Price